

Talamdan
sa Mga Mensahe alang sa Full-time Training
sa Fall Term sa 2025

LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN SA MGA SULAT NI PABLO—
FILIPOS UG COLOSAS

Mensahe 10

Si Cristo nga Naa Nato, ang Paglaom sa Himaya

Basahong Kasulatan: Col. 1:27; Rom. 8:10; 15:13; 2 Cor. 13:5

I. Si Cristo nga naa nato—Rom. 8:10; 2 Cor. 13:5:

- A. “Naa ninyo si Cristo” ang importanteng punto sa basahon sa Roma:
 - 1. Sa capitulo 3 naa sa krus si Cristo, nag-ula sa Iyang dugo aron matubos ta.
 - 2. Sa capitulo 4 naa si Cristo sa pagkabanhaw.
 - 3. Sa capitulo 6 naa ta ni Cristo.
 - 4. Sa capitulo 8 si Cristo ang Espiritu nga naa nato.
- B. Ang kinadak-an ug kinalabwang panalangin nga nabatonan nato diha sa kaluwasan sa Dios mao si Cristo nga naa nato—v. 10:
 - 1. Sa dihang nituo ta ngadto ni Cristo, nisulod dayon Siya kanato.
 - 2. Sa nadawat na nila si Cristo, gibati sa pipila ka magtutuo nga naa si Cristo kanila ingog kahayahay ug katagbawan.
 - 3. Gibati sa pipila ka bag-ong magtutuo nga gibut-an sila ni Cristo ug gidid-an sila nga magpakasala.
 - 4. Gibati sa ubang magtutuo nga gigamhan sila ni Cristo aron modaog sa mga pagdani ug mga pagtintal nga dili nila madaog kaniadto ug makalahutay sila sa mga pag-antos ug mga pagsulay nga dili maagwanta sa uban.
- C. Si Cristo ang Dios nga buhi, ug makasulod Siya nato ingon nga Espiritu (1 Cor. 15:45); busa, mabati nato ang Iyang malinawon, malipayon, masanagon, gamhanan, diosnon, ug mahimayaong presensya.
- D. Mamulong gyod ta kalabot ni Cristo hangtod mabihag ta ni Cristo, ug moingon gyod tag, “Hallelujah, daygon ang Ginoo! Naa nato si Cristo!”

II. “Karon ang Dios sa paglaom magpuno ninyo sa tumang kalipay ug kalinaw diha sa pagtuo, aron modagaya mo sa paglaom diha sa gahom sa Espiritu Santo”—Rom. 15:13:

- A. Dios sa paglaom ang Dios.
- B. Sa mapuno ta Niya sa kalipay ug kalinaw, modagaya ta sa paglaom.
- C. Kadtong walay kalipay ug kalinaw wala poy paglaom.
- D. Kon makapahimulos ta sa Dios nga grasya ug tungod niana duna tay kalinaw ug kalipay, mapuno ta sa paglaom.
- E. Niingon si Pablo nga, “Karon ang Dios sa paglaom magpuno ninyo sa tumang kalipay ug kalinaw diha sa pagtuo, aron modagaya mo sa paglaom diha sa gahom sa Espiritu Santo” (v. 13); nagpakita kini nga sa masinati nato ang Dios sa pagkamalahutayon ug pagdasig (v. 5), makaila ta sa Dios sa paglaom.

F. Dili kinahanglan nga malawa tay paglaom, kay sa dihang makatandog ta sa Espiritu, naa tay paglaom.

III. “Nga gikahimut-an sa Dios nga pahibaloon sa kadagaya sa himaya ning misteryo diha sa mga Gentil, nga mao si Cristo nga naa ninyo, ang paglaom sa himaya”—Col. 1:27:

A. Ang natagong misteryo mao si Cristo nga naa nato, ang paglaom sa himaya.

B. Matahom kaayong kaayo sa Dios ang himaya—Buh. 7:2, 55; Gen. 12:1, 4:

1. Niingon ang 2 Pedro nga gitawag ta sa Dios pinaagi sa Kaugalingon Niyang himaya—1:3.
2. Niingon ang 1 Pedro 5:10 nga gitawag ta sa Dios ngadto sa Iyang walay kataposang himaya.
3. Matod pa sa 2 Timoteo 2:10, dunay himayang walay kataposan ang kaluwasan sa Dios; nagpakita kini nga ang himayang walay kataposan mao ang kinataposang tumong sa kaluwasan sa Dios—Rom. 8:21.
4. Magdala nato ngadto sa himaya sa Dios ang kaluwasan Niya—Heb. 2:10.
5. Sa Ebanghelyo ni Juan, mabasa nato nga ang Pulong, nga mao ang Dios, nahimong unod ug nitabernaculo sa atong taliwala, ug nakita nato ang Iyang himaya—1:1, 14, 18.
6. Isip mga magtutuo, kamulo tang gitransporma ngadto sa himaya sa Dios (2 Cor. 3:18) ug dad-on ta ngadto sa himaya (Heb. 2:10).
7. Sa kaulahian, himayaon ta uban ni Cristo (Rom. 8:17, 30) aron duna tay himaya sa Dios aron mapadayag Siya sa Bag-ong Jerusalem.
8. Ang maila kaayong kinaiya sa Bag-ong Jerusalem kana mang duna kiniy himaya sa Dios, nga nagpadayag Niya—Bug. 21:11:
 - a. Maanaay himaya sa Dios, nga mao ang Dios mismo nga nagsidlak pinaagi sa syudad, ang tibuok syudad sa Bag-ong Jerusalem.
 - b. Sa pagkatinuod, ang himaya sa Dios mao ang sulod sa Bag-ong Jerusalem, kay hingpit mang mapuno sa himaya kining syudara.
9. Naa sab gyod untay himaya sa Dios ang iglesiahonong kinabuhi karon, nga nagpakita ug nagpadayag Niya niining matahom kaayong diosnong kaayo.

C. Nagpadayag ang Biblia sa himaya sa Dios:

1. Dios sa himaya ang Dios—Buh. 7:2; Efe. 1:17; 3:14, 16; 1 Cor. 2:8; 2 Cor. 4:6, 15.
2. Ang tuyo sa Dios pagdala man sa daghang anak ngadto sa himaya—Heb. 2:10; 1 Cor. 2:7; Efe. 1:6-7.
3. Gilalang ta sa Dios nga mga sudlanan nga giandam alang sa himaya—Rom. 9:23; 8:28.
4. Ang sala kana mang makabsan sa himaya sa Dios—3:23.
5. Gituman sa katubsanan ni Cristo ang mga gipangayo sa himaya sa Dios—vv. 24-25; Heb. 9:5.
6. Pinaagi sa ebanghelyo sa himaya sa Dios, gitawag ta sa Dios ngadto sa Iyang walay kataposang himaya—2 Cor. 4:4; 1 Tim. 1:11; 1 Ped. 5:10; 1 Tes. 2:12.
7. Si Cristo nga naa nato mao ang paglaom sa himaya—Col. 1:27; 3:4.
8. Kamulo tang gitransporma ngadto sa dagway sa Ginoo gikan sa himaya ngadto sa himaya—2 Cor. 3:18.
9. Ang tumong sa organicong kaluwasan sa Dios, ug ang kataposang hugna ning kaluwasana, mao ang himaya—Heb. 2:10; Rom. 8:17, 21, 30.
10. Mosulod ta sa kinalabwang hugna sa pagkausa—ang pagkausa sa diosnong himaya—Juan 17:22.
11. Naay himaya ngadto sa Dios diha sa iglesia—vv. 22-23; Efe. 3:21.
12. Maanaay himaya sa Dios diha sa gingharian—Mat. 6:13; 16:27; 26:64; Bug. 5:13.
13. Maanaay himaya sa Dios ang Bag-ong Jerusalem—21:10-11.

14. Ang himaya sa Dios diha sa pamatigayon sa Dios naglakip og pagkahimong Dios—nahimong tawo ang Dios aron mahimong Dios ang tawo sa kinabuhi, kinaiya, ug pagpadayag apan dili sa ranggo sa pagka-Dios—Juan 1:14; Col. 3:4; Heb. 2:10; Bug. 21:10-11.